



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

«24» 09 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000078

Ձեռնարկողը՝

«ՄԱՎՐ» ՍՊԸ

ք. Վանաձոր, Լավարի 60

Գործունեությունը՝ «ՉԱՆԱԽՉԻ-2» ՓՀԷԿ-ի վերակառուցման և վերազինման
շրջակա միջավայրի վրա ազդեցության նախնական
գնահատման հայտ

Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ 000078

24 > 09 2020թ.

**«ՉԱՆԱԽՉԻ-2» ՓՀԷԿ-ի վերակառուցման և վերազինման
աշխատանքների շրջակա միջավայրի վրա ազդեցության
նախնական գնահատման հայտ**

Ներածական մաս

Ձեռնարկող՝

«ՄԱՎՐ» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ

Գործունեության տեսակը՝

«Գ» կատեգորիա

Տեղադրման վայրը՝

Լոռու մարզ, Դեբետ համայնք

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 1)-ին կետի բ. ենթակետի՝ «հիդրոէլեկտրակայաններ՝ 1-10 ՄՎտ հզորությամբ» «ՉԱՆԱԽՉԻ-2» ՓՀԷԿ-ի վերակառուցման և վերազինման նախատեսվող գործունեությունը դասակարգվում է «Գ» կատեգորիայի:

Նկարագրական մաս «ՉԱՆԱԽՉԻ-2» ՓՀԷԿ-ը կառուցված է Դեբեդ գյուղի վարչական տարածքում, Չանախչի գետի վրա /որը հայտնի է Ալարեքս անվամբ/ և շուրջ 10 տարի այն շահագործվում է: ՓՀԷԿ-ի շենքը գտնվում է Դեբետ գյուղի վարչական սահմանում, Չանախչի գետի աջ ափին՝ 1034.0 մ նիշում, որի ջրահեռացման կոորդինատական կետերն են՝ $X=44039'17.2''$ $Y=40054'44.4''$: ՓՀԷԿ-ի համար անհրաժեշտ ջրառն իրականացվում է ՀԷԿ-ի շենքից մոտ 1.6 կմ վերև, Չանախչի գետի վերին հոսանքներում՝ ակունքներից մոտ 5-6 կմ հեռավորության վրա: Ալարեքս գետի ջրային ռեժիմը բնութագրվում է սահուն, երկարատև վարարումներով (մարտ-հուլիս), որը պայմանավորված է ձյան և սառույցի հալոցքի սնմամբ: Գետի երկարությունը 21 կմ է, ջրահավաքի ավազանի մակերեսը՝ 96.1 կմ²:

ՓՀԷԿ-ի բարձր տնտեսական շահավետությունն ապահովելու նպատակով և ջրային ռեսուրսի արդյունավետ օգտագործման համար «ՄԱՎՐ» ՍՊԸ ընկերության կողմից /այսուհետ՝ Ընկերություն/ սույն նախագծով նախատեսվում է շահագործվող «ՉԱՆԱԽՉԻ-2» ՓՀԷԿ-ի վերակառուցման և վերազինման աշխատանքների իրականացում: Վերակառուցման համար նախատեսվող ՀԷԿ-ի նոր կառույցների



/ջրընդունիչ հանգույց, 420մ երկարությամբ ճնշումային խողովակաշար, օդային գիծ/ տարածքները գտնվում են Դեբետ համայնքի վարչական սահմաններում: Մինչև սույն նախագծի իրականացումը ՓՀԷԿ-ի կողմից օգտագործել է գետի 1104,5մ և 1034մ նիշերի միջև առաջացող՝ 70,5մ անկումը, ապահովելով 1.4 ՄՎտ դրվածքային հզորություն: ՓՀԷԿ-ի վերակառուցման և վերազինման համար նախատեսված է կառուցել նոր հիդրոտեխնիկական կառույցներ և օգտագործել Չանախչի գետի՝ 1136մ-1034մ նիշերի միջև առաջացող 102մ անկումը: Նշված անկումը ճնշումային խողովակաշարին միացնելու համար, նախատեսված է կառուցել ընդհանուր՝ 420 գծմ երկարությամբ խողովակաշար, որը միանալու է գոյություն ունեցող՝ 1420 մմ տրամագծի 1240մ երկարությամբ դերիվացիոն պողպատե խողովակաշարին՝ երկարացնելով այն: Ճնշումային խողովակաշարով Չանախչի գետի մնացորդային ելքը՝ առավելագույնը 2.02 խմ/վրկ ջրաքանակով կմոտեցվի գոյություն ունեցող ՓՀԷԿ-ի շենքին և շենքում տեղադրվող 3 խումբ ագրեգատների միջոցով կապահովվի նախագծված՝ 2.2 ՄՎտ դրվածքային հզորությունը: ՓՀԷԿ-ի համար անհրաժեշտ 2.02 խմ/վրկ ջրաքանակը կտրվի Չանախչի գետի 1136.0 մ նիշում, ջրառի՝ $X=44040'10.0''$ $Y=40054'29''$ կոորդինատական կետերում: ՀԷԿ-ի կառուցվածքների զբաղեցրած տարածքների հողերի նպատակային նշանակությունը էներգետիկայի է, օգտագործման նպատակը՝ ՀԷԿ-ի սպասարկման համար: ՓՀԷԿ-ի կառույցների հողամասերը /գոյություն ունեցող և նախագծված/ սեփականության իրավունքով պատկանում է Ընկերությանը: Դիտարկվող տարածքը չի առնչվում բնապահպանական, կամ անտառային տարածքների հետ:

«ՉԱՆԱԽՉԻ-2» ՓՀԷԿ-ի օգտագործվող գետահատվածում Դեբետ համայնքի համար ոռոգման, կամ այլ նպատակով ջրառ չի իրականացվում:

«ՉԱՆԱԽՉԻ-2» ՓՀԷԿ-ի համար Ընկերությանը տրամադրվել է թիվ 000027 տրվ. 06.02.2020թ. ջրօգտագործման թույլտվություն, որով ՓՀԷԿ-ի համար առավելագույն հաշվարկային ջրաքանակը սահմանվել է՝ առավելագույնը՝ 2.02 խմ/վրկ /հունիս ամիս/ իսկ նվազագույնը՝ 0.27 խմ/վրկ /դեկտեմբեր ամիս/: Ջրօգտագործման թույլտվությամբ սահմանված Չանախչի գետից ջրօգտագործման ծավալի միջինը ցուցանիշը կազմում է՝ 31000.0 հազ.մ³/տարի, 84930.0 մ³/օր, 980.0/վրկ: Ջրընդունիչ հանգույցում ջրօգտագործման հաշվառման համար, ջրընդունիչ հանգույցը կահավորվելու է ջրաչափական դիտակետով և ջրաչափիչ սարքավորումով: Այդ սարքավորումների ավտոմատ կառավարման համակարգի միջոցով կկարգավորվի ՀԷԿ-ի կողմից օգտագործվող ջրաքանակը և սահմանված բնապահպանական ելքի չափաքանակը: ՀՀ կառավարության 2018թ. հունվարի 25-ի N 57-Ն որոշման պահանջներին համապատասխան հաշվարկվել են Չանախչի գետի օգտագործվող հատվածում էկոլոգիական թողքերը /համաձայն գ.Ալարեքս-դ.Դեբեդ հիդրոլոգիական դիտակետի տվյալների/, որոնց մեծություններն ըստ ամիսների պատվարի ներքին բիեֆ են բաց թողնվում նախագծում նախատեսված ձկնուղու և լվացիչների միջոցով: Ձկնուղին նախատեսված է իրականացնել 2 մ լայնությամբ, 9մ երկարությամբ: Այն աստիճանաձև է, կազմված՝ մուտքամասից, ելքամասից, 6 աստիճաններից և 6 բաժանմունքից, որոնք ունեն շախմատաձև անցքեր: Աստիճանների բարձրությունը 0.25մ է, լայնությունը՝ 1.25մ: Ձկնուղում ջրի հոսքի արագությունը 0.25մ/վրկ է, ինչը նպաստավոր ձկների տեղաշարժի համար: Ձկնուղու մուտքամասի բարձունքային նիշը ցածր լինելով ջրընդունիչ կառուցվածքի՝ տղմագտարանի կողային ջրընդունիչի նիշից, ապահովում է բնապահպանական

ելքի մուտքի առաջնահերթությունը: Ձկների պահպանությունը հուսալի ապահովելու համար ջրառի գլխամասում, դերիվացիոն խողովակաշարի մուտքի վրա նախատեսված է տեղադրել մանրաճաղավանդակ և 5x5 մմ չափերով ձկնապաշտպան մետաղական չժանգոտվող ցանց, որով կկանխի նաև մանրաձկների մուտքը հիդրոագրեգատների թիակների վրա: Ձկնապաշտպան միջոցառումները նախագծվել են, հաշվի առնելով Չանախչի գետի օգտագործվող գետահատվածին բնորոշ ձկնատեսակները:

ՓՀԷԿ-ի վերակառուցման և վերազինման աշխատանքները ներառում են.

- նոր ջրընդունիչ հիդրոհանգույցի կառուցում, բաղկացած՝ 1.5 մ բարձրությամբ բետոնային ջրթափային պատվարից, ճակատային ջրթող մաքրիչից, ձկնանց կառուցվածքից, կողային միաջբանի ջրընդունիչից, մոտեցնող ջրանցքից, պարզարանից և ճնշումային խցից,

- l=420 մ երկարության, d=1420x10մմ տրամաչափի պողպատե ճնշումային խողովակաշարի կառուցում, որի միջոցով պահանջվող հաշվարկային ելքը կտեղափոխվի գոյություն ունեցող ճնշումային խողովակաշարին,

- ՓՀԷԿ-ի շենքի վերակառուցման աշխատանքներ՝ պայմանավորված շենքում 3 նոր հիդրոագրեգատների տեղադրումով /ներքին հարդարում/,

- Կայանային հանգույցի բարեկարգման և կանաչապատման աշխատանքներ.

- 6150մ երկարությամբ 10 կվ նոր օդային գծի կառուցում:

«ՉԱՆԱԽՉԻ-2» ՓՀԷԿ-ը նախկինում միացված էր Դեբետ գյուղին սնող 10 կվ լարման գծից, որն առաջ էր բերում հիդրոկայանի հաճախակի պարապուրդի և էլեկտրաէներգիայի կորստի: ՀԷՑ-ի կողմից իրականացվել է տեխնիկական պայմանների փոփոխություն, այն է՝ «ՉԱՆԱԽՉԻ-2» ՓՀԷԿ-ը միացնել «Դսեղ» 35/10 կվ ե/կ-ի 10 կվ Բս-ի թիվ 1 բջջին, նախագծի համաձայն կառուցելով 10 կվ օդային գիծ /որը բնակավայրի տարածքով անցնում է ինքնակրող մեկուսացված հաղորդալարերով/ և մոնտաժվում է 120 մետաղական հենարաններով /համաձայն 07.03.2019թ. Հայաստանի էլեկտրական ցանցերի կողմից տրված տեխնիկական պայմանների/: Օդային գծի տարածքները ևս անցնում են Դեբետ համայնքի վարչական սահմաններով, ճանապարհի հարևանությամբ: Օդային գծի և խողովակաշարի անցկացման տարածքներում ծառահատումներ չեն իրականացվում:

ՀԷԿ-ի շենքում տեխնիկական վերազինման նպատակով նախատեսված է տեղադրել 2 հատ՝ 1250 կվտ և 1 հատ՝ 750 կվտ Ֆրենսիս տիպի խխունջաձև տուրբիններ և 2 հատ՝ 1000կվտ և մեկ հատ՝ 500կվտ սինխրոն գեներատորներ: Կայանային հանգույցի տարածքում նախատեսված է տեղադրել համապատասխան սարքավորումներով նոր՝ 6կվ/10կվ տրանսֆորմատորային ենթակայան, որտեղ գոյություն ունեցող երեք՝ 10/04 կվ տրանսֆորմատորները փոխարինվելու են երեք՝ 10/6 կվ տրանսֆորմատորներով: Տեղադրվող տրանսֆորմատորները կահավորված են բաժանարարներով և յուղային անջատիչներով, ինչպես նաև յուղահավաք և պաշտպանիչ սարքավորումներով: Մնացորդային տրանսֆորմատորային յուղը պայմանագրային հիմունքներով կհանձնվի այդ թափոնը վերամշակող կազմակերպություններին:

Աշխատանքների ավարտից հետո, կայանային հանգույցի այն հատվածները, որտեղ բացակայում է կանաչ գոտին իրականացվելու են կանաչապատման



աշխատանքներ: Վերակառուցման և վերազինման արդյունքում «ՉԱՆԱԽՉԻ-2» ՓՀԷԿ-ը կունենա հետևյալ ջրաէներգետիկ ցուցանիշները.

Հաշվարկային մակարդակը գլխային հանգույցի ճնշումային խցում	- 1136մ
Հիդրոտուրբինի աշխատանքային անվի առանցքի նիշը	- 1034մ
Ստատիկ ճնշում, (մ)	- 102մ
Հաշվարկային ելք, (մ ³ /վ)	- 2.02 մ ³ /վ
Դրվածքային հզորություն, (ՄՎտ)	- 2.2ՄՎտ
Էլ. էներգիայի միջին տարեկան արտադրանք, (մլն.կՎտ.ժ)	- 6.37մլն.կՎտ.ժ
Հիդրոագրեգատների քանակ	- 3 հատ:

«ՉԱՆԱԽՉԻ-2» ՓՀԷԿ-ի վերակառուցման շինարարական աշխատանքների համար օգտագործվելու են գոյություն ունեցող ճանապարհները, որոնք ներկայումս օգտագործվում են ՓՀԷԿ-ի կառույցների սպասարկման համար:

ՓՀԷԿ-ի համար նոր հիդրոտեխնիկական կառուցվածքների շինարարության և շահագործման արդյունքում հնարավոր են որոշակի բացասական ազդեցություններ՝ մթնոլորտային օդի, հողային և ջրային ռեսուրսի, գետի ջրային ռեժիմի և կենսաբազմազանության վրա: Ազդեցությունները կարող են ուղեկցվել հողային աշխատանքների ընթացքում ծխագազերի և փոշու ժամանակավոր արտանետումներով և լանդշաֆտի ժամանակավոր խախտմամբ: Շինանյութերի ժամանակավոր պահեստավորումը, թափոնների կուտակման վայրերը կազմակերպվելու են շինհրապարակի տարածքում: Հայտում նախատեսվել են մթնոլորտային օդի և հողային ռեսուրսների պահպանությանն ուղղված միջոցառումներ: Ընդհանուր վերակառուցման աշխատանքների ընթացքում շինարարության ժամանակահատվածի համար հանվող հողային զանգվածը կկազմի 1200մ³, իսկ հետլիցքը՝ 353 մ³: Հողային աշխատանքների ժամանակ կհանվի 150.0մ³ բերրի հող, որը առանց պահեստավորման, խողովակաշարը խրամուղում տեղադրելուց հետո օգտագործվելու է տարածքի վերականգնման համար, իսկ մնացորդային քանակը կօգտագործվի կայանային հանգույցի կանաչապատման համար: Իսկ մնացորդային գրունտը /700 մ³ ծավալով/ Դեբետի համայնքապետարանի հետ համաձայնեցված կտեղափոխվի մինչև 3կմ հեռավորության վրա գտնվող աղբավայր, կամ կօգտագործվի շրջակա տարածքների բարեկարգման համար: Հայտում նախատեսվել են նաև միջոցառումներ, ուղղված՝ ՀԷԿ-ը սպասարկող անձնակազմի աշխատանքի անվտանգությանը և սոցիալական պայմանների ապահովմանը /այդ թվում՝ բարձր լարման տեղամասերում նախազգուշացնող վահանակների տեղադրում, ագրեգատների տեխնիկական վիճակի ապահովում, հիդրոագրեգատների աղմուկի և թրթռումների մակարդակների ապահովում նորմերի սահմաններում և այլն/: Կայանային հանգույցում ՀԷԿ-ի շենքն ապահովված է ՀԷԿը սպասարկող անձնակազմի համար ջրամատակարարման և կենցաղային կեղտաջրերի հեռացման բավարար պայմաններով և համապատասխան սանիտարական սարքերով:

Նախագծով նախատեսված նոր հիդրոագրեգատներով տեխնիկական վերազինումը նպաստում է ՀԷԿ-ի շահագործման փուլում աղմուկի, ինչպես նաև թրթռման մակարդակի նվազեցմանը:

Վառելիքի, քսայուղերի, իսկ շահագործման փուլում տրանսֆորմատորային յուղի մնացորդային քանակների պահեստավորման համար նախատեսված է հատուկ տարողություններ՝ բացառելու նպատակով անձրևաջրերի հետ դրանց խառնումը և տարածումը շրջակա տարածքներ:



Շահագործման փուլում, ջրային ռեսուրսների պահպանման հիմնական միջոցառում է հանդիսանում Չանախչի գետում բնապահպանական թողքի ապահովումն ըստ ամիսների, ինչը սահմանված է նաև ջրօգտագործման թույլտվությամբ: Անկախ ՓԿԷԿ-ի ջրապահանջից, այդ ելքը միշտ պետք է առկա լինի գետի հունում, ապահովելու համար տարվա բոլոր սեզոններին գետի ստորին հոսանքներում ջրային էկոհամակարգի կայունությունը:

«ՉԱՆԱԽՉԻ-2» ՓԿԷԿ-ի վերակառուցման և վերագինման աշխատանքների շրջանակներում իրականացվող հիմնական բնապահպանական միջոցառումների գումարային արժեքը հաշվարկվել է 6558.35 ՀՀ դրամ, որի մեջ մտնում են տարածքի կանաչապատումը և բարեկարգումը փոշենստեցումը, ձկնապաշտպան միջոցառումները: Բոլոր միջոցառումներն ամփոփվել են բնապահպանական միջոցառումների ծրագրում և մոնիթորինգի պլանում:

Պարճառաքանական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով Դեբետ համայնքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության: Քննարկումների ընթացքում Ընկերության տնօրենն իր պատրաստակամությունն հայտնեց՝ Դեբետ համայնքի համար սոցիալական ծրագրերի շարունակական իրականացմանը և ավարտին հասցնելու համայնքի արտաքին լուսավորության աշխատանքները:

Փորձաքննական գործընթացին մասնակցել են՝ Լոռու մարզպետարանը, առողջապահության նախարարությունը, շրջակա միջավայրի նախարարության ստորաբաժանումները, որոնց կարծիքները ևս հաշվի են առնվել:

Այսպիսով, ամփոփելով գնահատման և փորձաքննության արդյունքները, կարելի է եզրահանգել, որ նախագծի փոփոխությունը մշակվել է ՀԷԿ-երին ներկայացվող շինարարական նորմերին և բնապահպանական օրենսդրական պահանջներին համապատասխան: Գործունեությունը չի առաջացնի լրացուցիչ բնապահպանական ծանրաբեռնվածություն Չանախչի գետի էկոհամակարգի և շրջակա տարածքների վրա, քանի որ ինչպես նախկինում, այնպես էլ նախագծով նախատեսված ՓԿԷԿ-ի ջրաքանակը մնում է նույնը: Նախագծային լուծումների ճիշտ իրականացման և ներդրված գումարների նպատակային օգտագործման արդյունքում բացասական ազդեցությունները շրջակա միջավայրի վրա հնարավորինս կնվազեցվեն և շրջակա միջավայրի վրա թույլատրելի նորմերի սահմաններում են:

Փորձաքննական պահանջներ

1. ՀԷԿ-ի ջրօգտագործման պայմանների կատարումը հսկելու համար, մինչև իրականացումն անհրաժեշտ է ՀՀ օրենսդրությամբ սահմանված կարգով կատարել ջրօգտագործման ծավալների հաշվառման, դրանց առցանց տեղափոխման և հասանելիության ապահովման աշխատանքներ՝ ջրառի կետի ջրաչափական դիտակետով ու կապարակնքված ջրաչափով ապահովելու միջոցով (հիմք ընդունելով ՀՀ ջրային օրենսգրքի 32-րդ հոդվածի պահանջները):

2. Շահագործման փուլում Չանախչի գետի ձկնատեսակների, գետային էկոհամակարգի պահպանման և կայուն ջրօգտագործման նպատակով <<Չանախչի-2>> ՓՀԷԿ-ի ջրընդունիչ հանգույցում անհրաժեշտ է ապահովել բնապահպանական թողքի ավտոմատ կառավարման և առցանց վերահսկման ջրաչափական համակարգ՝ բնապահպանական թողքերի սահմանված չափաքանակներն ըստ ամիսների նվազագույնը՝ 180լ/վրկ /հունվար ամիս/-առավելագույնը՝ 750լ/վրկ /ապրիլ ամիս/ պահպանելու համար:

3. Շինարարության և շահագործման փուլերում առաջացող՝ շինարարական աղբի և տարբեր տեսակի թափոնների (այդ թվում նաև վտանգավոր թափոններ՝ տրանսֆորմատորային յուղ, բանեցված յուղեր, քսայուղեր և այլն) տեղադրումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ համապատասխան համաձայնեցումների առկայության դեպքում (մինչև շինարարական աշխատանքների մեկնարկը):

4. Շինարարական և շահագործման փուլերում գետի էկոհամակարգի և ցամաքային տարածքների բնական բաղադրիչների (հող, ջուր, օդ, կենսաբազմազանություն) պահպանման և հնարավոր ազդեցությունների կանխարգելման համար անհրաժեշտ է ապահովել բնապահպանական միջոցառումների և մոնիթորինգի իրականացումը, ինչպես նաև օգտագործվող գետահատվածում սանիտարա-հիգիենիկ վիճակի պահպանումը:

5. Տրանսֆորմատորային յուղով շրջակա տարածքներն աղտոտումից կանխելու նպատակով, անհրաժեշտ է տրանսֆորմատորները կահավորել յուղահավաք համակարգով, իսկ բանեցված յուղերը հեռացնել սահմանված կարգով:

ԵԶՐԱՓԱԿԻՉ ՄԱՍ

«ՄԱՎՐ» ՍՊ ընկերության կողմից ներկայացված «ՉԱՆԱԽՉԻ-2» ՓՀԷԿ-ի վերակառուցման և վերազինման աշխատանքների շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Գլխ. մասնագետ՝



Գ. Գևորգյան

Հ. Մկրտչյան